

Broj: 01-05-6-01833/2015
Sarajevo, 02.07.2015. godine

Na osnovu člana 70. stav (1) Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja Preporuke Komisije za javne nabavke broj 01-05-6-01833/2015 od 01.07.2015. godine, Direktor Federalne uprave za inspeksijske poslove u ime ugovornog organa, d o n o s i

ODLUKU

o dodjeli ugovora o nabavci roba- Gorivo i tečnost za vjetrobranska staka motornih vozila za potrebe Federalne uprave za inspeksijske poslove

I

Ugovor o nabavci roba – Gorivo i tečnosti za vjetrobranska stakla motornih vozila Federalne uprave za inspeksijske poslove, po provedenom otvorenom postupku, dodjeljuje se ponuđaču „Petrol BH Oil Company“ d.o.o. Sarajevo, pod slijedećim uslovima:

- Ukupna cijena ponude iznosi: 100.450,35 KM;
- Popust na cijenu isporučene robe koja je predmet ugovora u toku cijelog ugovornog perioda iznosi 0,15KM/litar
- Ugovor se zaključuje na period od 1 /jedna/ godina dana od dana zaključenja ugovora;
- Rok plaćanja je 30 /trideset/ dana od dana prijema mjesečne fakture.

II

Po okončanju žalbenog roka ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

III

Ova odluka će se objaviti na web stranici Federalne uprave za inspeksijske poslove.

Obrazloženje

Direktor Federalne uprave za inspeksijske poslove je svojom odlukom broj 01-05-6-01833/2015 od 10.04.2015. godine pokrenuo otvoreni postupak javne nabavke roba – Gorivo i tečnost za vjetrobranska staka za vjetrobranska stakla motornih vozila Federalne uprave za inspeksijske poslove, te je ugovorni organ dana 18.05.2015. godine objavio obavještenje o javnoj nabavci u Službenom glasniku BiH broj 39/15, broj obavještenja 1292-1-1-3-3-2/15. Nakon objavljivanja obavještenja o nabavci, ponuđač „Hifa Petrol“ d.o.o. Sarajevo je podnio prigovor na tendersku dokumentaciju koji se odnosio na činjenicu da tenderskom dokumentacijom nije jasno definirano koje dokaze je potrebno da dostave ponuđači kako bi se na iste primjenio preferencijalni tretman domaćeg. Komisija za javne nabavke ugovornog organa je razmotrila prigovor i isti ocijenila osnovanim, te je u tom smislu izvršena ispravka obavještenja o javnoj nabavci koja je objavljena u Službenom glasniku BiH broj 43/15 od 01.06.2015. godine, broj obavještenja 1292-1-1-3-8-4/15. U tom smislu je izvršena i izmjena tenderske dokumentacije u kojoj je dodata tačka 16a) koja se odnosi na dokazivanje preferencijalnog tretmana domaćeg, te je u skladu sa članom 52. stav (3) Zakona o javnim nabavkama BiH produžen rok za podnošenje ponuda.

Komisija za javne nabavke ugovornog organa je dana 18.06.2015. godine izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda broj 01-05-6-01833/2015 koji je putem pošte

odmah upućen ponuđačima. U postupku su blagovremeno svoje ponude dostavili ponuđači „Petrol BH Oil Company“ d.o.o. Sarajevo, „Hifa petrol“ d.o.o. Sarajevo i „Hodina“ d.o.o. Sarajevo.

Dana 01.07.2015. godine komisija je provela postupak utvrđivanja formalno pravnih uslova za učestvovanje u postupku javne nabavke, te je tom prilikom konstatovala da su svi ponuđači dostavili dokumentaciju traženu tačkom 12. tenderske dokumentacije. Međutim, uvidom u ponudu ponuđača „Holdina“ d.o.o. Sarajevo, Komisija je konstatovala da ovaj ponuđač nije dostavio obrazac o promjeni cijena i marži u maloprodaji ovjeren od strane Federalnog ministarstva trgovine, a što je bio zahtjev iz tačke 16. TD. Imajući u vidu prednju činjenicu Komisija je postupajući u skladu sa članom 68. stav (1) tačka i) ZJN BiH konstatovala da ponuda koju je dostavio ponuđač „Holdina“ d.o.o. Sarajevo, nije potpuna i da ne ispunjava zahtjeve iz TD, te je istu odbacila i nije je uzela u obzir u daljem toku postupka.

U daljem toku postupka komisija je, razmatrala ponude preostala dva ponuđača, te je konstatovala da su isti dostavili potvrde od Vanjskotrgovinske komore BiH, da robe koje nude u svojim ponudama zadovoljavaju uvjete za izdavanje certifikata o bh porijeklu, pa prilikom poređenja ponuda ponuđača „Hifa Petrol“ d.o.o. Sarajevo (potvrda broj :05-27-667/15 od 26.05.2015. godine) i „Petrol BiH Oil Company“ d.o.o. Sarajevo (potvrda broj: 05-27-765/15 od 08.06.2015. godine) nije primjenjivan preferencijalni tretman domaćeg.

U izvještaju komisije datom u aktu broj 01-05-6-01833/2015 godine od 01.07.2015. godine je dat pregled prihvatljivih ponuda sa ponuđenim cijenama, , kako slijedi:

1. „Petrol BH Oil Company“ d.o.o. Sarajevo, ukupna cijena ponude 100.450,35 KM
2. „Hifa Petrol“ d.o.o. Sarajevo, ukupna cijena ponude 105.344,34 KM

U skladu sa kriterijem „NAJNIŽA CIJENA“ komisija je konstatovala da je ponuda ponuđača „Petrol BH Oil Company“ d.o.o. Sarajevo, najpovoljnija sa ukupnom ponuđenom cijenom od 100.450,35 KM.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



Dostaviti:

1. „Petrol BH Oil Company“ d.o.o. Sarajevo, Tešanjaska 24a, 71000 Sarajevo
2. „Hifa Petrol“ d.o.o. Sarajevo, Hotonj bb, Vogošća
3. „Holdina“ d.o.o. Sarajevo, Azize Šaćirbegović 4b, 71000 Sarajevo
4. Komsija za javne nabavke
5. Sektor za materijalno-finansijske i tehničke poslove
6. Sektor za tehničku podršku i plansko- analitičke poslove
7. a/a.